

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CLIX.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

que tamen, licet tertio jam rogatus, remittit exemplar. Ultima vice (ut refert Tabellarius) dixit, Exemplar esse penes R. tuam. Capi itaque denuo sperare, fortasse à R. tua Typographum persuasum, aut persuadendum, ut voto D. M. Vogelii satisfaciat. Quod si perstat in sua sententia, vehementer oro, ut R. tua curare dignetur, quo cum hoc tabellario librum accipiam, ne alias occasiones negligamus. Miror autem Typographorum quorundam inepta iudicia, quod ejusmodi libros imprimere vereantur, qui non sex tantum mensibus, sed multis annis possunt esse vendibiles, interea sepe occupantur aliis nugis. Ostensa est autem D. M. Vogelio alibi spes, quandoquidem D. Rihelius hæcenus recusavit hanc operam in se recipere. Quare vehementer oro & meo & Domini Vogelii nomine, ut (nisi D. Rihelius certo promittere velit, se statim in manus sumpturum illud opus) per hunc tabellarium exemplar remittatur. Ignoscat mihi R. tua, quod toties eandem in hac causa obtundam, gravioribus negotiis occupatam; facio enim hoc, fretus singulari tuæ R. erga me favore. Bene & feliciter valeat R. tua, cum conjugè & liberis suavissimis, inter quos Ornatissimos juvenes, filios R. tuæ, Theologiæ Licentiatos, salutari peto, & reliquos Argentinenfes Theologos, Ecclesiæ Christi ministros. Salutant R. tuam officiose D. Præpositus Bidembachius, & reliqui mei Collegæ. Datæ Stutgardiæ, 8. Decemb. Anno salutis 1573.

Tua R.

Studiofus

Lucas Osiander, D.

CLIX.

Cum hic civis noster ad vos profecturus esset, vir reverende & charissime frater, Cnolui committere, quia scriberem aliquid, ut per eundem tibi rescribendi darem occasionem. De Galliæ statu cum varia varii narrarint, deprehendimus pleraque esse. Nunc id constat pro certo, regem pacem exoptere, quod nervus belli deficiat, adeoque & papistici ordines conferre impensas molestè ferant, cum primis verò ecclesiastici, à quibus tertiam proventuum partem exigit. Tum quia cernit, non Ugnotos tantum sed Papistas etiam, regni incolas, à suis auxiliis spoliari & diripi. Adde quod dux Sabaudia non desinit flagitare, urgere, ut pacem etiam sentiat, quam daturus videretur, sed non qualem Ugnoti velint, ut maxime persecutionis mitigationem promittat. Et in paucis aliquot locis religionis exercitium, in reliquis tamen omnibus regni partibus id non sit permittitur. Ac meliori ipsum fide acturum putant, quam fratrem defunctum, quia minus sit ad simulationem compositus & aper-

Ppp 2

215

tus nominis Christi hostis. Rupellani cum complicitibus etiam ad pacem inclinant, fessi nimirum bello diuturno, & quia vident, in Pictonibus urbes, quas Vgnoti retinebant, à rege occupatas. Et proinde legatos huc ad Condeum miserunt, qui advennerunt die hesternâ, cum isto tractaturi de conditionibus, quas recta hinc ad regem pergentes proponant, ex communi complicitum consensu. Interea Dan Wilanus in Aquitania prosperè agit, cujus successus, licet Papistæ, Papistarum consilia & molimina non nihil perturbant & infringunt; difficultas autem tota in obtinenda pace remoraque fore putatur, quod neutra pars alteri confidat, neque eam, quam postulant Vgnoti, securitatem præstare rex velit. Cum nihilo magis iis fidendum censeat, cum à facta postrema pace priores denuo arma sumpserunt. In incertum ergo eventum Legati abeunt, & nisi Dominus de cælis pacem ipse donet, nullus sit futurus ærumnarum finis, donec totum regnum concussum ruat. Butyrum te accepisse arbitror, si quid sit, in quo requiras officium, indicato & bene vale in Christo Jesu cum tuis omnibus. Scripsi Basileæ, 6. Cal. Januarii, 74.

R. d. t. totus

Sulcerus.



CLIX.

S. D. Reverende & clarissime vir, compater carissime.

Aliquoties jam non sine molestia didici, *ἔδικον βλαπτοῦς εἶναι, ἰσὲι βλαπτοῦν τὴν ἐκκλησίαν*. Et tamen fato quodam meo in Stiriam quoque, proximo mense veni, vocatus præcipuè ad scholæ provincialium constitutionem, in qua cum primis artibus & linguis Theologicam lectionem conjungi, & veræ religionis fontes sinceros conservari & propagari optant, Ecclesiasticas deliberationes nondum atigi, quod *ῥόνος* quidam *θεοσότητος* in hac Ecclesia, suæ authoritati præjudicatum iri fortasse veretur: Ideoque omnia misceri ac turbari mallet, cui cum omni mansuetudine & *πρανοθυρίαι* libenter cedendum esse, teneræ hujus ac mediocriter jam DEI beneficio in medio inimicorum, Jesuitarum & aliorum, florentis Ecclesiæ causa iudico. Quam non turbari, sed omnibus officiis fovendi & confirmari opto. Scripsi ad te Colonia ad Suevum & Lynceâ ad Danubium de Resdorsio vestro, ut isthic eum tanisper retineatis, donec vel ipse solvat, vel D. Levino Rostochii solutum esse, ipseus chirographo doceat. Orationem de scholis historicam, in qua ab initio Ecclesiæ adjunctas fuisse scholas, easque post Apostolorum tempora etiam in Germania semper aliquas fuisse doceo, cum primum excusa fuerit, mittam. Nunc alteram de Ecclesia-

LIBR